

ხელშეკრულება სახელმწიფო შესყიდვის შესახებ 1405/01-21

ქ. თბილისი

14 მაისი 2021 წელი

ხელშეკრულების დამდები მხარეები ერთის მხრივ, სსიპ „საქართველოს კომუნიკაციების ეროვნული კომისია“ (შემდგომში „შემსყიდველი“), წარმოდგენილი მისი თავმჯდომარის კახი ბექაურის სახით და მეორეს მხრივ, შპს „ჯეო ტეჩი“ (შემდგომში „მიმწოდებელი“), წარმოდგენილი მისი დირექტორის შალვა ასლამაზაშვილის სახით, საქართველოს მოქმედი კანონმდებლობისა და მიმწოდებლის სატენდერო წინადადების საფუძველზე, NAT210006127 ელექტრონული ტენდერის აუქციონის გარეშე ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში „ხელშეკრულება“) - „სახელმწიფო შესყიდვების შესახებ“ საქართველოს კანონის საფუძველზე შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით, დამატებით და ასევე ყველა დოკუმენტაციით, რომლებზეც ხელშეკრულებაში არის მინიშნებული.
- 1.2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ - კალენდარული დღე, კვირა, თვე, თუ სხვა მითითებას არ შეიცავს ხელშეკრულება.
- 1.4. „შემსყიდველი“ - ორგანიზაცია, რომელიც ახორციელებს შესყიდვის ობიექტის შესყიდვას სახელმწიფო შესყიდვის შესახებ ხელშეკრულების შესაბამისად.
- 1.5. „მიმწოდებელი“ - პირი, რომელიც ახორციელებს საქონლის მიწოდებას სახელმწიფო შესყიდვის შესახებ ხელშეკრულების შესაბამისად.
- 1.6. „შესყიდვის ობიექტი“ - ხელშეკრულების მე-2 მუხლით გათვალისწინებული საქონელი.
- 1.7. „ტექნიკური დავალება“ - სატენდერო დოკუმენტაციის ტექნიკური დავალება, რომელიც წარმოადგენს ამ ხელშეკრულების განუყოფელ ნაწილს.

2. ხელშეკრულების საგანი

- 2.1 კომპიუტერული მოწყობილობების და აქსესუარების სახელმწიფო შესყიდვა, დანართი N1-ის შესაბამისად. (CPV - 30233000, 30234300, 30237200, 30237380, 30237410) .

3. ხელშეკრულების ღირებულება

- 3.1. ხელშეკრულების ჯამური ღირებულება შეადგენს 5579,00 (ხუთი ათას ხუთას სამოცდაცხრამეტი ლარი და 00 თეთრი) ლარს.
- 3.2. ხელშეკრულების ჯამური ღირებულება მოიცავს ხელშეკრულებით გათვალისწინებული საქონლის მიწოდებასთან დაკავშირებულ ყველა ხარჯს და საქართველოს კანონმდებლობით გათვალისწინებულ გადასახადების ჩათვლით.
- 3.3. ხელშეკრულებით გათვალისწინებული ანგარიშსწორება ხორციელდება შემსყიდველის საკუთარი სახსრებით.
- 3.4. ხარჯები, რომლებიც არ არის გათვალისწინებული ხელშეკრულებაში, არ ანაზღაურდება

4. ანგარიშსწორების ფორმა და ვადები

- 4.1. შემსყიდველი მიმწოდებელთან ანგარიშსწორებას ახორციელებს უნაღდო ანგარიშსწორების ფორმით, ეროვნულ ვალუტაში.
- 4.2. მიმწოდებელთან ანგარიშსწორება იწარმოებს მხარეთა შორის შედგენილი მიღება-ჩაბარების აქტის საფუძველზე, მისი გაფორმებიდან 10 სამუშაო დღის განმავლობაში.

5. მიღება-ჩაბარების წესი

- 5.1. შესყიდვის ობიექტის მიწოდების შემდეგ მხარეებს შორის გაფორმდება მიღება-ჩაბარების აქტი.
- 5.2. შემსყიდველის მხრიდან მიღება-ჩაბარების აქტის ხელმოწერაზე უფლებამოსილი პირია კომისიის ინფორმაციული ტექნოლოგიების სამსახურის ტექნიკური მხარდაჭერის სპეციალისტი ლაშა ვაშაკიძე.

6. მიწოდების პირობები და გარანტია

- 6.1. საქონლის მიწოდების ვადა: ხელშეკრულების დადებიდან არაუგვიანეს 5 (ხუთი) სამუშაო დღე.

6.2. მიწოდების ადგილი: ქ. თბილისი, ქ. წამებულის გამზ. / ბოჭორმის ქ. 50/18; შემსყიდველის ადმინისტრაციული შენობა.

6.3. პირველ პოზიციაზე შემოთავაზებულ საქონელზე (ssd) უნდა ვრცელდებოდეს გარანტია, მიღება-ჩაბარების აქტის გაფორმებიდან 12 (თორმეტი) თვე, დანარჩენ საქონელზე მიღება-ჩაბარების გაფორმებიდან 6 (ექვსი) თვე. გარანტია მოიცავს საქონლის ჩანაცვლებას იმავე ან გაუმჯობესებული მახასიათებლების საქონლით, მხარეთა შორის შეთანხმებულ გონივრულ ვადაში, მაგრამ არაუგვიანეს 5 სამუშაო დღისა.

6.4. ხელშეკრულების მოქმედების ვადის ამოწურვა გავლენას არ ახდენს მიმწოდებლის საგარანტიო ვალდებულებებზე.

7. მხარეთა უფლება-მოვალეობანი

7.1. შემსყიდველი უფლებამოსილია:

ა) ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება.

7.2. შემსყიდველი ვალდებულია:

ა) უზრუნველყოს მიმწოდებლისთვის საქონლის ღირებულების ანაზღაურება ხელშეკრულებით გათვალისწინებული ვადებისა და პირობების დაცვით;

ბ) უზრუნველყოს წარმომადგენლის გამოყოფა, რომელიც ზედამხედველობას გაუწევს პროცესს და საჭიროების შემთხვევაში, მიმწოდებელს გაუწევს შესაბამის კონსულტაციას.

7.3. მიმწოდებელი უფლებამოსილია:

ა) მოსთხოვოს შემსყიდველს ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

7.4. მიმწოდებელი ვალდებულია:

ა) მიწოდოს საქონელი სათანადო ხარისხითა და სრული მოცულობით, იმ ვადაში, რომელიც მითითებულია ამ ხელშეკრულებაში.

ბ) უზრუნველყოს მიწოდება ტექნიკური დავალების შესაბამისად;

8. ხელშეკრულებით ნაკისრი ვალდებულებების შესრულების ინსპექტირება

8.1. ხელშეკრულებით ნაკისრი ვალდებულებების შესრულების ინსპექტირებას განახორციელებს კომისიის ინფორმაციული ტექნოლოგიების სამსახურის ტექნიკური მხარდაჭერის სპეციალისტი ლაშა ვაშაკიძე.

8.2. ინსპექტირება გულისხმობს მიმწოდებლის მიერ ხელშეკრულების პირობების შესრულების, აგრეთვე მიწოდებული საქონლის ხარისხის კონტროლს.

8.3. ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

9. პირგასამტეხლო ხელშეკრულების პირობების შეუსრულებლობისათვის

9.1. მიწოდების ვადის გადაცილებისათვის მიმწოდებელს ეკისრება პირგასამტეხლოს გადახდა ყოველ გადაგადაცილებულ დღეზე, ხელშეკრულების საერთო ღირებულების 0.02 %-ის ოდენობით.

9.2. მიმწოდებლის მიერ სახელშეკრულებო ვალდებულებების შეუსრულებლობის ან არაჯეროვანი შესრულებისათვის, შემსყიდველი უფლებამოსილია შეწყვიტოს ხელშეკრულება და დააკისროს მიმწოდებელს პირგასამტეხლო ხელშეკრულების ჯამური ღირებულების 5%-ის ოდენობით.

9.3. ანგარიშსწორების ვადის გადაცილებისთვის, მიმწოდებელი უფლებამოსილია შემსყიდველს დააკისროს პირგასამტეხლო გადასახდელი თანხის 0,02% ოდენობით, ყოველი გადაგადაცილებული დღისთვის.

9.4. პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისგან

10. ხელშეკრულებაში ცვლილების შეტანა და ხელშეკრულების შეწყვეტა

10.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

10.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხორციელდება საქართველოს კანონმდებლობით დადგენილი წესით.

10.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

10.4. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

10.5. მხარე ვალდებულია 10.4 პუნქტით გათვალისწინებულ გადაწყვეტილების მიღების განზრახვის შესახებ არანაკლებ 5 კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს.

10.6. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

11. დაუძლეველი ძალა

11.1. მხარეები არ აგებენ პასუხს ვალდებულებათა სრული ან ნაწილობრივი შეუსრულებლობისათვის იმ შემთხვევაში, თუ აღნიშნული გამოწვეულია ფორს-მაჟორული გარემოებებით (მიწისძვრა, წყალდიდობა, სახელმწიფო გადატრიალება და სხვა გარემოებები, რომლებიც არ არიან დამოკიდებული მხარეებზე და ითვლებიან ფორს-მაჟორულ გარემოებებად).

11.2. მხარემ, რომელსაც შეექმნა ფორს-მაჟორული გარემოება დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ.

11.3. წერილობით შეტყობინებაში მითითებული ფაქტები დადასტურებული უნდა იქნას კომპეტენტური ორგანოს მიერ. დადასტურება არ არის საჭირო, თუ აღნიშნული ფაქტები ცნობილია საზოგადოდ.

11.4. მხარეები ანახლებენ თავიანთი ვალდებულებების განხორციელებას ფორს-მაჟორული გარემოებების აღმოფხვრისთანავე.

12. დავები და მათი გადაწყვეტის წესი და სატენდერო პირობების უპირატესობა

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად. ხელშეკრულების პირობებსა და სატენდერო პირობებს შორის შეუსაბამობის შემთხვევაში უპირატესობა ენიჭება სატენდერო პირობებს.

13. ხელშეკრულების მოქმედების ვადა და ენა

13.1 ხელშეკრულება ძალაში შედის ხელშეკრულების ხელმოწერის დღიდან და მოქმედებს 2021 წლის 30 ივნისის ჩათვლით.

13.2 ხელშეკრულება შედგენილია ქართულ ენაზე, ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

შემსყიდველის მხრიდან ხელშეკრულებაზე ხელის მომწერი პირი ვადასტურებ, რომ არ ვიმყოფები ინტერესთა კონფლიქტში ხელშეკრულებაში მითითებულ მიმწოდებელთან „სახელმწიფო შესყიდვების შესახებ“ საქართველოს კანონის მე-8 მუხლის შესაბამისად.

შემსყიდველი:

მიმწოდებელი:

სსიპ „საქართველოს კომუნიკაციების ეროვნული კომისია“

ს/კ – 204953050

მისამართი: ქ. თბილისი, ქეთევან წამებულის

გამზირი/ბოჭორმის ქ. №50/18

სს „თი ბი სი ბანკი“

ა/ა: GE11TB0600000000609326

შპს ჯეო ტეჩი

ს/კ – 425359989

მისამართი: ქ.თბილისი, აღმაშენებლის ხეივანი, №95

საბანკო რეკვიზიტები:

ანგ.# GE16PC0133600100062021,

სს „პროკრედიტ ბანკი“, კოდი: MIBGGE22,

კომისიის თავმჯდომარე: კახი ბექაური

დირექტორი: შალვა ასლამაზაშვილი

N	დასახელება	ტექნიკური მახასიათებლები	წარმოშობის ქვეყანა, მწარმოებელი ან/და სასაქონლო ნიშანი, მოდელი არსებობის შემთხვევაში	რაოდ	ერთეულის ფასი	საერთო ღირებულება
1	SSD	• მოცულობა: 250GB • წაკითხვის სიჩქარე: 560 MB/s • ჩაწერის სიჩქარე: 530 MB/s • NAND-ის ტიპი: 3 Bit MLC • ფიზიკური ზომა: 2.5 ინჩი • ქეში: კი • წონა: 45 გრამი • მაქსიმალური 4K Random Read: 98,000 IOP • მაქსიმალური 4K Random Write: 88,000 IOP • Auto Garbage Collection Algorithm: კი • TRIM მხარდაჭერა: კი • Encryption: კი	სამხრეთ კორეა, Samsung Electronics Co.Ltd. Samsung SSD 870 EVO SATA III 2.5 inch 250GB. MZ-77E250BW	20	170	3400
2	უსადენო მაუსი	• უპრობლემოდ მუშაობს 10 მეტრის დისტანციაზე • არ აქვს დაყოვნება • რეზოლუცია: 1000 dpi • წონა 75.2 გრამი • გააჩნია შემდეგი ოპერაციული სისტემების მხარდაჭერა: Windows 8 და უფრო მაღალი ვერსია, MacOS და ChromeOS	ჩინეთი, Logitech International S.A. Logitech WIRELESS MOUSE M185	30	47	1410
3	გარე DVD/CD წამკითხველი	• მაქსიმალური წაკითხვის და ჩაწერის სიჩქარე CD დისკებზე: 24x • მაქსიმალური წაკითხვის და ჩაწერის სიჩქარე DVD დისკებზე: 8x	ჩინეთი, Shenzhen Lanho Technology Co., Ltd. მოდელი. RC-CD001	5	61	305
4	HDMI to VGA გადამყვანი	• აქვს Full HD მხარდაჭერა	ჩინეთი, Shenzhen Magelei Electronic And Technology Co., Ltd. მოდელი. MGL0860	5	17	85
5	Display to HDMI კაბელი	• კაბელი არის Male-to-Male შეერთების	ჩინეთი, Shenzhen Magelei Electronic And Technology Co., Ltd. მოდელი. MGL_HDMIDP01	1	15	15

6	CD დისკი	• მოცულობა: 700 MB • სიჩქარე: 52x	ვიეტნამი, Ritek corporation. Traxdata TRA-VALUEPACK CD-R.700MB/52XSP50, 901OEDRTRA001	350	0.5	175
7	DVD დისკი	• მოცულობა: 4.7GB • სიჩქარე: 16x	ვიეტნამი, Ritek corporation. Traxdata TRA-VALUEPACK DVDR4.7GB/16XSP50, 907SP5PDTVP01	350	0.54	189
						5579

მოწოდებული ტექნიკა იქნება ქარხნული, ახალი, ექსპლუატაციაში არ შესული.

შემსყიდველი:

მიმწოდებელი:

სსიპ „საქართველოს კომუნიკაციების ეროვნული კომისია“
 ს/კ – 204953050
 მისამართი: ქ. თბილისი, ქეთევან წამებულის გამზირი/ბოჭორმის ქ. №50/18
 სს „თი ბი სი ბანკი“
 ა/ა: GE11TB0600000000609326

შპს ჯეო ტეჩი
 ს/კ – 425359989
 მისამართი: ქ.თბილისი, აღმაშენებლის ხეივანი, №95
საბანკო რეკვიზიტები:
 ანგ.# GE16PC0133600100062021,
 სს „პროკრედიტ ბანკი“, კოდი: MIBGGE22,

კომისიის თავმჯდომარე: კახი ბეჭაური

დირექტორი: შალვა ასლამაზაშვილი